

吉安府志卷之十八

列傳一

漢魏而還吉猶陋區也千有餘年或得數人焉耳永叔生文章啓益公出名臣著宋瑞作忠節顯文莊起理學明科第甚盛弁冕寰區至於仕宦之籍幾充棟矣彬彬乎鄒魯吳越何多讓焉賢才之生如林括於列

吉安府志

列傳一

傳以先之而名臣忠節理學乃次諸後示所尊也死事近忠節儒行亞理學連類而載匪敢輕爾若孝友若隱逸若藝文與寓賢列女之不朽者並垂志實而已然猶終之以雜傳懼其或遺也次第之法本于舊其難其慎亦如之則先型也如有所易俟諸君子

南唐

蕭儼

曾崇範

蕭瓚

周彬

李續

宋

自開國至靖康

劉茂申

尹承諤

歐陽觀

蕭定基

王贊

劉沆 彭思永 蔣賁 蕭汝諧 曾朝陽

董敦逸 蕭佐 蕭世京 蕭國鎮 郭知章

解禧 羅審理 彭淳 胡衍 劉弁

楊存 高文中 劉顯 郭履泰 郭知微

葛敏脩 李穀 郭允升 曾安強 劉才邵

郭孝友 孫叔通 張汝明 劉性 陳千齡

董昌裔 曾光庭

蕭儼永新人幼奇敏十歲諸廣陵以童子擢第烈祖任政授秘書省正字改刑部郎精研法比廬收民

吉安府志

列傳

二

吉

有冤獄儼齋戒禱神竟雪之遷司門郎中判大理獄奏劾宣徽副使陳覺姦回亂政烈祖甚感悟未及斥而薨殂覺始不自安稱疾累月未出及宣遺制遽出儼劾覺端居私室以埃升遐請按其罪弗許初烈祖相吳禁私買奴婢至是馮延巳與弟延魯於遺制中弛其禁儼曰此非大行之命必延巳等所為者昔延魯有此請先帝訪臣臣對言陛下為吳相時聞民粥男女立出府金贖歸之故遠近懷德今臨祚即及之可乎先帝斜封延魯章抹三

筆持入宮此必尚在及索之果得遂擢給事中後
主嗣位儼入白事後主方與嬖倖奕儼前請欵局
後主怒曰汝孰與魏徵儼曰臣不能爲魏徵陛
下亦非太宗矣儼方直不阿貴戚歛衽後主勅齊
王景洪政群臣惟樞密副使魏岑查文徽得白事
餘非召對不得入儼上疏極論不報後主於宮中
作高樓召侍臣觀之衆皆嘆羨儼獨歎恨樓下無
井問其故曰以此不及景陽樓耳貶舒州觀察使
孫晟防之以兵儼曰儼以諫諍得罪非有他志昔
君欲矯遺詔使太后臨朝當此時社稷幾危其罪
顧不重於儼乎乃今日反見防何也晟慙遽罷之
宋平江南遂謝病不出年七十卒

曾崇範廬陵人家貧喜讀書雖復甞薪不屬而世藏
九經子史自富南唐初典籍廢缺旁求無所得刺
史賈皓從範取進上且薦崇範不報皓以已緡
其直崇範笑曰墳典天下公器世亂藏於家世治
藏於國無以異也家非書肆柰何欲佑直耶皓謝
曰俗吏浼觸以遺先生羞不然何以見高義皓卒

與崇範如金陵表薦之授太子洗馬崇範廉儉自持俸餘資錫悉班親舊家貧乏如其初自書史外無一長物遷東宮使卒

蕭瓚字君王泰和人性至孝母死廬墓里人爭訟不詣官而詣瓚有不直者輒聞風而返曰寧受刺史杖無爲蕭公知仕南唐積官至國子祭酒過家上塚適寇犯州境瓚率畦丁掩捕畧盡璽書褒美及沒鄉人共祠焉

周彬永新人自少刻厲誦讀不治產業其妻讓曰君

兄弟皆以耕田致饒而君獨翫故紙取困耶彬笑曰農力田而士務學業各有執非爾所知也時南唐烈祖鎮金陵招致文士彬獻所爲文烈祖善之會禪代祀南郊彬著郊望論以獻辭指多所規諷署諸衛巡官後以大理司直爲永新邑令持法平直不阿民甚賴之秩滿郡疏留久任至歷七考遷尚書郎卒

李續字繼宗永新人少不事生產專志儒業嘗讀書廬山學成游建業會宋師南攻卅陽潤州節度使

盧絳辟續掌記授宣教郎江南既入米遂隱居不出推所學教授鄉黨郡倅温仲舒向敏中慕其賢皆勸之仕終不起年九十餘卒

劉茂中安福人貌魁雄善用大稍事南唐以功授吉州兵馬監押累遷袁州刺史宋平江南茂中至京大祖問汝在江南屢擾邊邑何也對曰臣結髮事主惟忠勇是奮雖使陛下親征臣亦殞身不顧大祖壯之

尹承諤永新人初事南唐中主爲衝將嘗陳僂宜禁

私謁後主時授本邑制置兵馬監押將士樂爲之用及江南平首奉吉州牌甲入宋授左侍禁太宗嗣位轉供奉官會計邊運頗能潔已奉公太宗嘉之令巡環慶奏商稅欺弊上因使按其事得吏盜官錢積計十餘萬緡死者二十人遂勅天下凡正官盜錢無問多寡皆處死法自承諤始也時稱爲能吏

歐陽觀字仲賓永豐人與弟曄同登咸平三年造十觀歷泗綿二州推官天性仁且孝歲時祭祀涕泣

如初喪治獄必求其生具見瀧岡阡表中後擢秦州判官卒以子脩貴累贈金紫光祿大夫大師中書令兼尚書令追封崇國公曄字日華爲隨州推官治獄之難決者三十六大洪山奇峯寺聚僧數百人轉運使疑蓄爲奸命曄往籍之僧以白金千兩爲餽曄笑曰吾安用此今歲饑聞汝積穀六七萬石若能盡以輸官而賑民則吾不籍汝僧大喜曰諾饑民賴以全活如桂陽監民有爭舟相毆致死者獄久不決曄自臨其獄出囚庭中脫械繫而

飲食之食訖悉勞而還于獄獨留一人于庭留者色動惶顧曄曰殺人者汝也吾視食者皆右箸汝獨左今死者傷在右肋此汝殺之明也囚卽泣下用罪後歷知黃永二州以都官員外郎致仕

蕭定基字守一吉水人天禧己未進士監成都市買務蜀引江水溉田多少有約李順作亂時成都大豪樊氏盜約改一晝夜爲六由此他縣歲賂樊氏乃得餘水訟二十年不決定基親行田間決水視一晝夜樊氏之水有餘遂定約如故召爲監察御

史衷行頃之除開封府判官遷侍御史宣州蠻爲
寇以定其爲廣西安撫使定基馳至問所以及故
遣兵萬餘守要害戒諸將毋妄繫蠻遂遁仁宗曰
邊臣好生事定基乃能如是召還除淮淝荆湖制
置發運副使卒贈兵部侍郎定基與同邑彭齊楊
伾俱有時名齊字孟舒祥符戊申進士爲楊文公
億所賞拔官至大常博士伾登祥符乙卯第官至
尚書屯田員外郎真宗嘗大書殿柱曰蕭定基之
政事楊伾之清謹彭齊之文章可爲江西三瑞

王贄字至之泰和人天禧間登第歷邵衡連郴四郡
幕官監興國大冶茶場兼知縣事皆有聲監益州
軍資庫擢知開封尉氏縣時章獻后垂簾中人擅
權贄密疏以聞中人歛戢提舉江淮廣東摧鹽上
課召還通判信州嘗閱帳籍得隱沒官物數百萬
因條上鈎考之法著爲令慶曆初知道州以遏蠻
寇蒙璽書褒諭召除殿中侍御史乘傳赴門奏對
仁宗稱旨尋除天章閣待制兼知諫院嘗條陳時
政得失多見納用間因奏事退上顧謂左右曰五

方異稟若南士而有燕趙之氣工贊是也殿人侍者皆屬目贊論事婉順能移人主意中貴王守忠以儲邸舊人驟遷重職臺諫累疏不納及聞贊一言遂寢未幾置天章閣直學士選名臣首以命贊即拜河北都轉運使英宗踐祚上章引年遂以尚書禮部侍郎致仕神宗即位改戶部侍郎贊歷仕三朝尤被仁宗眷遇晚年以詩酒自娛好蓄古人書畫以壽終贊子二曰儀曰億億字昌齡以廕當得官辭以待族人之貧者贊賢而許之皇祐己丑

贊知禮部貢舉億以別頭進士中甲科仁宗見其狀貌備異顧宋丞相庠曰甚似王贊知開封府酸棗縣歲凶設法賑濟境人以安贊以憂歸廬陵恩除簽書吉州判官事遇媼舊有恩而法不可撓士論難之轉殿中丞通判永寧軍前後帥有訟久不直者委億一言而服贊既歸老億得請知袁州袁於吉爲隣億熟其俗訟清教舉使者以最績聞而億以侍養得請通判吉州尋權知三司勾當公事官至職方員外郎卒

劉沆字冲之永新人侗儻任俠多奇氣天聖八年進士第二授大理評事通判舒州州有大獄累歲亭疑沆至立決之章獻太后建資聖浮圖內侍張懷信督役嚴峻州將移疾不敢出沆奏罷懷信遷太常丞直集賢院出知衡州大姓尹氏僞爲券奪其隣孤子田沆辨其狀治之歷右正言知制誥判吏部流內銓奉使契丹館伴強以酒沆霑醉拂袖起因焉之坐是山知潭州又知和州改右諫議大夫知江州湖南蠻獠數出寇殺官吏以沆知潭州兼

吉安府志

列傳一

九一

吉

安撫使沆大發兵至桂陽招降二千餘人已賊復山襲殺守將降知鄂州歷龍圖閣學士權知開封府遷尚書工部侍郎皇祐三年拜參知政事初沆在府有張彥方者客越國夫人曹氏家受富民金爲僞告勅既敗繫獄沆抵彥方死辭不及曹氏曹氏張貴妃母也沆既用諫官御史爭論之仁宗不聽貴妃薨追冊皇后沆爲監護使數月拜同中書門下平章事集賢殿大學士上言近臣三弊多所中摘近侍頗不悅而仁宗益敬信之會上不豫因

請定國本以安群志卒立英宗沆在相位僅踰年
稍爲臺臣所攻罷知應天府遷刑部尚書徙陳州
卒贈左僕射兼侍中知制誥追封楚國公謚文安
帝爲篆碑曰思賢之碑子瑾登進士累官天章閣
待制歷知灑皮江福泰五州所至以能稱瑾子間
旣第以文名終徽猷閣待制

彭思永字季長廬陵人尚書應求子幼從父官岳州
且起就學道見遺釵嘿審亡釵者還之其人以金
謝笑曰受金孰與匿釵耶登天聖五年進士授南

七十八州志

列傳一

十一

吉

康軍判官稍遷知分寧縣歷官侍御史極論雨降
授官之弊仁宗深然之皇祐祀明堂前一日有傳
百官皆進秩者時張王二人者有以覬倖思永抗
疏曰陛下覃此曠恩豈真仁及天下孤寒哉不過
爲張堯佐王守忠取調衆人爾使外戚擅政宦待
竊權非社稷之福也帝震怒中丞郭勸諫官吳奎
皆言永忠無他不宜加罪帝由是怒解而張王之
覬亦寢然思永竟罷臺職出守尋除湖北轉運使
至部奏置守令之殘懦者時大日農誘諸路獻羨

徐思永曰哀民取賞吾不爲也遂無所獻後爲御史中丞時追崇漢國諫官相繼論列多斥去思永上疏極論其不可且曰疏斥言事臣以閑箝天下之口大非國體乞盡還之疏上英宗感其言會上不豫而中書亦堅持不果用熙寧三年以戶部侍郎致仕思永仁厚蕙怨居官四十年自奉不改其素平生絕意聲色卒年七十一河南程明道先生爲狀其行明道思永婿也

賁字國華龍泉人天聖庚午進士歐陽脩爲河北

言安府志

列傳一

十一

按察使賁爲廣信軍通判脩奏賁募江南船匠造鎖楸船人工物料比舊減省而可以興行漕運之利杜絕侵斯之姦宜取其法行之皇祐中三司使田况薦其材擢度支判官時西師宿邊召募之藉廣宗室子廩於京師歲益蕃有司校經費之數視景德相倍徙賁通知源流利病與况議出入之數况乃爲皇祐會計錄上之出爲河北轉運朝廷思其能嘉祐丁酉召還三司爲監鐵判官

蕭汝諧字君俞吉水人以父定基任補秘書省校書

卽後登慶曆六年第監廣東市舶廉聲歲入增
三百萬御史中丞彭思永薦其可任臺諫熙寧初
輪對言十事皆大體子服字昭甫以進士累遷將
作少監入對陳人主聽言之要徽宗謂可任諫官
擢監察御史詔撰崇寧備官記上嘉服文藻堪任
詞臣而又以諫官必得鯁諤如服者會姑蘓張氏
以私鑄興大獄逮繫數十百家死者填市詔服往
鞠之廉得實狀以聞張氏得宥死刑踰年召爲吏
部員外郎後請斬州卒有接伴語錄并文集十餘

卷汝士字君平汝諧弟也以父任補官至大子中
舍知長汀縣時方行青苗助役之法置提舉按行
君縣少不當輒督過之吏竟以文辭避法無敢抵
忤者及長汀盡責民所有輸泉於公又歲以數萬
緡籍縣之富豪者貧民則不與汝士曰法固如是
乎助役之設以民力不均故因貧富以賦財縣有
五等版籍在可按而行之青苗之法以新陳不繼
下戶不能自食則利權盡歸富人故令得貸於公
儲粟以俟其求可也奈何反病乎提舉變色曰子

沮新法乎汝士曰法有善意今實議非非沮法也
提舉怒色貫目汝士不爲屈求罷去提舉愧服曰
請如所議踰月竟以疾力告歸

曾朝陽永豐人慶曆間登第爲石首令寬其賦稅改
忠州重農興學第匪同登第爲南安主簿邑有寇
出沒山谷間令畏其強置不問匪獨力擒之辭賞
不受改龍南令龍南故尚巫鬼病不藥而聽之神
匪嚴令禁止且設學以教其子弟邑人漸化之調
信州判官移知玉山一時賢達若宋庠唐介韓終

吉安府志

列傳一

十一

趙抃司馬光富弼皆與深相知多薦匪才可館閣
不及用而卒朝陽孫元忠大觀間登第所著有春
秋曆法論語解周易解等書門人私謚曰文節先
生

董敦逸字夢授永豐人嘉祐八年進士調連州司理
叅軍知穰縣徙知弋陽縣有治行稍遷梓州路轉
運判官無祐六年召爲監察御史有與敦逸有卻
者或諷敦逸許其短劾之敦逸曰彼雖不我足其
人無害奈何以朝廷耳目官爲私讐地耶言者慚

服出知臨江軍久之召爲左司諫侍御史時瑤華
秘獄成敦逸疏其寃曰瑤華之廢不厭人心臣嘗
閱錄其獄恐得罪天下哲宗怒幾得罪賴曾布救
解免明年出知興國軍徙江州徽宗卽位加直龍
圖閣知荆南召入爲左諫議大夫極詆蔡京蔡卞
小人不可用遷戶部侍郎卒

蕭佐字公弼龍泉人嘉祐己亥進士爲虔化令民有
醉殺人他縣者他縣以過殺不願治也尉嘉事族
之使鬪致勒兵捕之佐曰吾邑本無事也歸州兵

安府志

列傳一

古

吉

諭解其民而自詣群請白群將劉彛執其手曰君
志欲靖民使民不好鬪真儒者薦之及知汀州汀
固少士佐爲新其學宮置餼田以養士州遂多茂
才

蕭世京字昌孺龍泉人嘉祐丁酉進士爲歙州司理
有大姓育外氏孤而沒入其貲復誣以盜世京鞠
得其情罪之遂其貲移知銅陵入王管京廂上疏
論事擢開封錄事出爲廣東路提舉常平公事時
蔡京當事世京多與之忤又論列京十事京由是

卿之罷歸會徽宗於禁中得世京所上書即擢爲
吏部員外郎命選士賈閱閱自言誥其功過而進
退之吏不得因緣爲姦遷廣東南路轉運副使賜
金紫有番商蒲欽者多蓄珍貨與吏通賄因負勢
橫甚世京按其罪治之孫暈爲江陵令吏事通敏
治行稱最會黎人寇瓊州方濂以師出討辟暈偕
行暈請單車入壘降之知雷州平劇寇安輯民之
流徙者明年致仕官至朝請人夫

蕭國鎮字安國泰和人少學勤苦備至昏睡則繫髻

於梁五舉中第當仕臨川幕官適五羊上供銀銅
過郡人守許亢物色其弊密訊之得十五卒盜銀
者以付國鎮曰是有賞格公宜盡心國鎮覈實皆
有生理獄上亢怒曰公故濂長奸偷耶吾併案公
矣國鎮曰情法如此寧自獲罪忍以十五人命資
一已利乎且吾有子九人猶冀其不墜門戶而可
以累之耶堅不從亢愈怒擲具奏俄而旨下嘉國
鎮用法平恕而亢能察奸兩加慰諭十五卒得不
死毗衡州倅有衡山令李昂者以事忤臺憲意國

鎮力雪之昂後歷通顯果籍籍有聲國鎮歷柳州高州大守以朝奉郎致仕富貴壽考當時罕北人以爲陰德之報先是國鎮在高州時州學生五人盜官魚爲邏者所獲獄成國鎮識其姓名止送教官行罰而已後五人相率登第聞國鎮死皆遠來致祭

郭知章字明叔龍泉人治平乙巳進士歷宰數邑有政績有以御史薦者欲其一見知章謝不往曰寧有呈身御史耶移提點刑獄歷遷右司諫上言復

銓法增諫員復元豐役法通行募役罷紹聖制科用經學取士數十疏盡關朝廷大體且曰忠陛下者必見忌於大臣黨大臣者必負陛下上嘉之擢工部侍郎遷中書舍人蔡卞援其黨董必除北部郎中知章以其當使廣西起大獄陷元祐舊臣大無狀疏論列之避不草制元符中遣知章報契丹使坊論夏元昊叛朝廷命將討之奪其故所封爵地夏固宋藩臣也有過削地不應復還虜使語塞尋以寶文閣直學士知大原府召爲刑部尚書改

知開封府入爲翰林學士出知鄧州移成都坐元祐黨籍落職奉祠崇寧中起知虔州改青州以疾請祠復直閣學士卒知章工詩律與黃庭堅倡和有文集行于世

解禧字公和一字宗魯吉水人初授柳縣主簿歷邵州措官知豐城興國兩縣通判衡州知賀州未赴而卒所至背有政聲在柳時群蠻苦歲饑將爲亂禧至宣諭威德轉粟賑恤之蠻懽服邵民有兄弟爭產訟三十年不決禧以大義至情感悟之頓罷

訟豐城號繁劇文牒日數百紙剖決如流老吏驚嘆一夕吏呼一人立庭下以訟禧禧曰此非晨來投牒者吏爭是詰之非也即杖吏觀者皆稱神明帥王藺初至風采凜然人人怖恐禧笑曰是可與言矣乃條病民者三事以告王曰微若憂民吾安聞此言於是蠲征商積逋減經總緡錢罷月椿布邑地瀕江多水患又增築新堤以防暴漲水不爲災民至今賴之施師默表薦改秩士民遮道借留尋宰興國罷贖金蠲緡錢摘伏奸直寃獄當道交

章薦之乃有賀州之命階辭詔免見令中書取其
奏議以聞一曰君德二曰役法其議端實可行朝
論嘉之

羅審理字安行龍泉人熙寧庚戌進士歷茶陵崇仁
丞移高安令元祐中調大康令疏濬康溝溉田萬
餘畝民刻祠之歲饑不俟奏發官廩賑貸會春大
雪積旬復募民貿易薪炭增其市佑所全活其衆
最聞未用而卒民傷之率錢五十萬爲贖其子郤
弗受審理政事操節竝著時望其去高安也蘇轍

吉安府志

列傳一

十八

以詩送之曰清白久聞誇父老沉埋誰爲愬諸公
彭淳字道源廬陵人登熙寧六年第歷守康賀二州
所至有惠愛嘗上書譏切王氏之學崇寧三年編
入黨籍政和初以朝奉大夫致仕有徹漢居士集
五十卷周必大楊萬里爲之序

胡衍字昭叔泰和人初從學父爲傾貲奉賓客一日
有客卒至母親執爨舂衍欲代其勞母曰兒入客
必以爲慢宜速出毋傷客意時以比陶母云再舉
始權第任保昌簿移高安尉獲僞造印符者格當

賞衍曰殺人得賞非吾願力求活之遷真陽令時
嶺南無田之民例輸身丁米衍爲言於外臺部使
以聞可其奏得免知武寧縣有兄弟爭產者屬旁
邑官致書以白金千兩遺之衍焚書却金卒直其
事神宗卽位詔內外陞朝官專對衍時以屯田員
外郎卽進白嶺南民患二事上嘉納之知湘陰縣
擢知容州以年致仕衍性夷曠內外洞徹所至以
循良稱藏書萬卷多其手抄黃山谷爲縣時嘗造
其門請益其見重如此卒年八十六有松陵退居

集藏于家

劉弁字偉明安福人登元豐二年進士復中詞科歷
官大學博士元符中有事南郊進大禮賦哲宗嘉
之除秘書省正字徽宗改著作佐郎實錄檢討官
卒嘗讀書石廊洞中爲辭劇剔瑕類卓文詭不凡
有雲龍集三十卷周必大序其文謂廬陵歐陽文
忠公以文章續韓文公正傳繼之者弁也

楊存字正叟吉水人元豐乙丑進士知仁和縣有尼
挾時宰勢取寺傍民地存叱去尼以請于府帥謂

存曰斥地出宰相意非尼妄也從之必德君存曰三尺法人主所與天下共也奈何由宰相亂之乎卒不與後有薦存者時宰啣之不省通判洪州卒事詳爲善陰隲錄

高文中字景通吉水人元豐壬戌進士任南安軍司理參軍會郡大水官民廬舍多仆文中出諸囚語曰汝等罪有應死者有不應死者獄且壓謂無辜何遂盡釋其縛縱所之約以水退當復還翌日水退果無一人亡去者後知邵州新化縣尤多遺愛

吉安府志

列傳一

二十

吉

劉顯字微之吉水人元豐間登第爲光祿主簿曾布當國顯爲甥婿不阿附布貶顯得免嘗倅虔州時母年八十六顯事之甚孝謹甘露凡三降于庭松郡圖以進子琮登第任諸王

受囑虜議立張邦昌

宗不預有文集數十卷

郭履泰字安中龍泉人以進士累官武進令歲饑議發粟賑之郡欲同市價履泰曰常平之法欽則增價散則損之所以平貴賤調艱阨也若賤市貴粥此商賈市人謀利者所爲非法意官乃減三之一

民甚德之官至朝散大夫

郭知微字介卿龍泉人以進士爲桂陽令三年無夜
警去官民甚思之後峒寇嘯聚當路撫之不聽曰
須郭知微再來吾乃歸時知微已卒當道遺其子
登仕郎澥致邑峒民果散去

葛敏脩字聖功廬陵人元祐三年試禮部蘇頴濱知
貢舉敏脩論周秦疆弱不變之弊蘇奇其文擢置
高等黃庭堅令泰和與敏脩結交及是見其名大
嘉頴濱之之人也敏脩爲人孝友伯兄敏求蚤世

撫其孤甚恩仲兄敏明大觀初以息科調官道死
音聞敏修號踊發疾而卒卒官奉議郎有道岷集
三十卷胡爲爲之序初敏修宰確山以元符上
書置崇寧崇寧三年始出籍時論多之周益公書
其略略曰予按崇寧元年九月詔書定元符末黨
人五百四十一人而敏脩姓名在焉繇此罷確山
宰廢于家越三年六月始出黨人謂敏修困久當
少折其詩乃云從今黽勉爲忠義一噫如何便廢
餐此豈二其志於得喪間哉

李穀字願正龍泉人紹聖中以進士歷高安令有囚
三十二人尉希賞誣以盜劫金氏穀至鞠將釋之
尉嗾金氏以令鬻獄訟于州州將信之後旬日獲
盜宜黃縣錄囚辭以報三十人皆免邑人頌穀之
明

郭允升字彥信泰和人上舍登第爲越州諸暨縣尉
廉約有聲改袁州兵探丁毋憂服除慨然流涕曰
祿以養親也親歿矣鳴鍾列鬻何足爲榮於是灑
掃故廬日對黃卷暇則杖屨野服逍遙溪上無復

仕進意其友工部侍郎郭孝第數移書勉之出授
永州零陵宰時蠻獠擾民允升至未久咸服相率
羅拜庭下于是丞相張浚潭帥劉昉永守郭章合
奏于朝遂重給焉及受代百姓攀號知潭州安化
縣境內舊多虎害允升蒞政未幾虎皆遁去或獻
詩曰威震零陵蠻率服道行安化虎潛藏已又移
知諸暨諸暨素號繁劇府庫歲計數萬名存實亡
皆右姓黜胥相與爲弊上下官吏行文書而已前
令坐不職罷去者相望允升按庫籍洞見根穴一

切以法繩之不半歲輸者踵至府庫充積境內大
永率于官

曾安強字南夫泰和人父名肅安強肅之第四子也
八歲時賦白鷺詩其外殊潔白俯風臨清流其中
乃貪穢盡日魚鰕求識者已知其有清修嫉惡之
志登乙科調舒州法曹會母喪歸途值江漲舟遇
石將擢篙工計急欲遷之小舟安強以帛繫樁誓
與俱溺俄有駕大艦者共救之有頃船裂安強得
免服除爲潭州司理差權內香藥庫有旨出局中

吉安府志

傳一

三三

吉

西乳香市之安強執不可恐生後患時躋其言除
擬舉成都府路常平至則民訴旱求決灌口水者
以千數問其故曰官司憚修築且恐水決陷及州
縣安強曰民既急矣吾當獨任趣詣水所恣百姓
䟽決僚吏或申前議安強曰吾已任不累公等矣
數日諸郡水告足富者損財壯者出力仍築塞之
歲因大穰著爲武士民刻石江上號均水記先是
廬肆多火無以瀦水安強至按地爲溝三百所或
病之俄登城得斷碑發視乃張詠尚書䟽渠積水

記中一一如所經畫遂復舊上供繡作院歲科民
戶出錢顧男女雜作監守者夤緣隱匿安強奏乞
散令製造立限送納從之州歲下縣織花羅一匹
費七十緡吏輒市一取十以饋權要安強檄有司
具上供實數曉諭使戶知之遂絕額外之擾嘗過
僧寺見暴骨不葬多遠宦無歸者因差官徧詣境
內錄得三千餘柩悉葬漏澤園置碣識之一夕夢
數千人泣拜而去當是時朝廷歲遣中貴督上仲
物帛官吏傾意奉承有鄧述者挾持尤甚市物不

中意輒焚毀之安強覘其事徽宗怒斥述不復用
會廉訪王竦與述昵心害安強即中以微文遂謫
監耀州淳化縣酒稅未幾主管舒州天寧萬壽觀
會戶部議糴東南粟百萬上意欲集事而不擾者
顧左右未知所對上遂曰曾安強可則除河南常
平既至斥部吏不法者數人又值權貴有所請託
安強治之愈峻乃風言路以游辭彈刻居七月而
罷卒于家勅安強與安止安中皆擢第而安止再
舉再第安辭晚以特奏恩授官內翰郭公知章挽

其母劉夫人詩曰一門十捧鄉老書四子五折東
堂桂西昌在宋朝科目之盛曾為稱首云

劉才邵字美中廬陵人其上世鸚大宗召見未及用

而卒嘗憤五季文辭卑弱傲楊雄法言著法語八

十一篇行于世才邵以大觀二年上舍釋褐為顛

汝二州教授為湖壯提舉管幹文字宣和中舉宏

詞科遷司農丞靖康元年遷校書郎高宗即位以

親老歸侍居間十年御史廖薦之遷剛秘書丞歷

中舍舍人兼權直學士院帝稱其能文時宰忌之

出知漳州開城東渠十有四為牐與斗門以瀦匯

決溉田數千畝民其德之兩奉祠後召拜工部侍

郎兼直學士院尋權吏部尚書以疾請祠加顯謨

閣直學士卒贈通奉大夫才邵氣和貌恭方楷臣

用事雍容遜避以保名節所著有澹溪居士集行

世

郭孝友字次仲龍泉人政和乙未進士除國子學正

尋遷司業宣和中蔡京再相天下益多事孝友因

奏對燕雲事言官遂攻之謫瑞金丞建炎初起知

筠州召爲禮部員外郎朝廷欲選清嚴有夙望者
使兩廣乃以孝友提點東路刑獄明年復移西路
孝友損撤騶從身親按歷守令罷軟貪殘不勝職
者連章劾罷之舊制吏獲強盜應格者受賞有差
遂多冒濫孝友疏其弊于朝因著爲令上詔侍從
舉可爲監司者桂帥胡舜陟以孝友應詔書且請
留任孝友不可請祠歸召入遷起居舍人除權工
部侍郎秦檜主和議朝士大夫多不合檜欲孝友
附和助已以孝友所嘗厚同舍生私念之孝友曰

議和非社稷計如後患何檜不懌口次仲亦爾也
孝友尋以敷文閣待制致仕

孫叔通字深道龍泉人與薦至京帥因星變條上時
政之缺請開黨禁召用舊人語大忤蔡京罷歸政
和二年始出籍中進士第歷大庾簿處州士曹攝
上猶令終清海軍節度推官時方禁史學士至不
知有魏晉叔通備書萬卷歷代興廢治亂得失人
或叩之自源徂流誦若如響時號孫書庫

張汝明字祖舜泰和人與兄汝賢俱登第初任司諫

有直聲會蔡氏當國汝明下勝憤志疏于...
曰臣觀京中書執政亦極密秉文武兩權豈在
弟兄之手且不虞猜社稷於何地臣...
危之時服其敢言大觀初召克學判徽宗旨除
御史兼殿中侍御史大臣憚其介直移司門員外
郎政和中出知漢陽軍卒初汝明執母喪水漿不
入口三日病羸行輒踣憂父授以服天南星法用
之驗其孝感如此所著有易索書張子厄言
劉性字粹中廬陵人穎悟絕人讀書一目盡數行

了其義鄉省三試皆高等擢新昌同知改旌德縣
尹拉強蒐慝決剔弊蠹所部安之民有指枯木肖
人者相聚拜禮為佛性命具香花昇至庭下就視
之曰柴也命焚之民止不譁調鎮江推官未行會
詔修遼金宋三史徵為史官史未成而卒

陳千齡泰和人兄九齡通易以累舉得官調南海簿
千齡性邁捷讀書過目成誦下筆千言初為詔州
曲江簿有潮陽令以軍事犯賊上司欲窮治之而
權貴多為之地勘官掣肘時司諫韓璜領憲事檄

千齡推鞠援者踵至多方饋以夜金一無所受至
問得實還報璜盛氣待之千齡徐白始末且言令
以趣辦軍務得罪况祊非入已璜覆視案牘信然
令得永減璜既喜其無私而當路亦嘉其平恕尋
陞虔州司法叅軍虔守劉少卿昉八境迂者皆不
受謁獨延請千齡待以客禮蓋昉嘗過嶺南具聞
潮陽亭因爲延譽諸司陞從仕郎寧鄉令昉復帥
長沙待之加于前由是薦者交章未及改秩而卒
董昌裔字夢賂吉水人自少力學宣和四年補將仕

郎歷郴州司戶叅軍攝永興令蠻徃犯省地發丁
壯授方畧捍禦境士民以奠枕移連州錄事叅軍
守憲其執法屢寤以事昌裔不爲屈或誣良民爲
盜平反之俄而真盜獲新守王大寶及外臺高薦
改錢塘丞攝令事赤縣事繁不勞而辦顯謨閣直
學士劉才邵薦昌裔宜在臺閣添差通判婺州又
爲湖南轉運司主管文字金人作亂王師四集糧
餉不乏摹畫爲多叅知政事魏良臣帥長沙以名
聞擢知興國軍宗室犯法繩治不少恕修學校增

給生徒時號循吏以年老丐閑得浙東安撫司叅議官秩滿求便鄉改江西以歸積官朝奉大夫賜服金紫

曾光庭字南卿吉水人仕為永州東安簿靖康之難勒兵勤王會徽欽北狩光庭以兵趨南京列表勸進高宗既踐祚光庭辭不受賞孫三復乾道間登第歷大府丞登朝數年安於平進縉紳稱之紹熙初出知池州改常州召為御史舉劾平正轉大常少卿上疏正大祖禘祭東向位改權刑部侍郎致

吉安府志

列傳一

二九

吉

仕三復性耿介耻奔競在臺持論不隨不激其沒也士論惜之

宋

自南渡至宋末

羅棐恭 劉禹錫 羅上行 李發 毛惠直

劉安世 左慶延 倪師尹 劉獬 龍升之

張鋼 張奐 胡鎬 彭合 羅維藩

羅克開 劉德禮 劉南鵬 戴翊世 羅晟

左暮 蕭鱗 劉元剛 蕭逢辰 黃登

歐陽守道 劉辰翁 李應華 羅椅 文璧

羅棐恭字欽若吉水人少刻勵讀書至不類不冠建
炎戊申進士授虔州司理叅軍宣諭使命鞫賊賊
富且黠故有以持有司至是復餽錢二十萬求脫
棐恭竟論殺者三十人移潭州平反死獄十有一
人遷荔浦令荔浦民輓粟五千石餉宜州棐恭言
於轉運司曰縣抵宜州絕遠不通舟楫輓餉不便
轉運司改符輸者詣縣改知石城構捕宿盜七十
人減民稅棐恭用法平恕堅忍有惠愛以故所去
邑皆思之紹興二十二年簽書道州軍事朝旨命

鞫邵州民張臣駟獄初臣駟爲讐誣與賊通獄吏
得賂力主讐家郡守亦聽之遂起大獄連坐者三
百餘人瘦死者七十人黔而流者二十八人沒入
貲產者十八家棐恭廉得其實遂正獄吏罪而前
獄盡得釋寃民德之皆畫像祀焉時郡守方在朝
著而棐恭心不爲動物論備之通判贛州俗憎女
生則溺之乃作溺女戒文下十邑悉禁民之溺女
者隆興初胡銓力薦於朝授左朝奉大夫知武岡
軍諸管學事棐恭懼請奉祠以疾卒棐恭博識強

記其學遂於名數字書故其文長於叙事間出瘦
詞難語切響奇字讀者問出何書即取插架某卷
幾簡也楊廷秀謂其可備顧問胡邦衡謂其不畏
疆禦而蕭深夫亦稱其學問文章行誼政事冠冕
近代云有詩文三十卷

劉禹錫永豐人雅靜博聞領建炎四年鄉試授筠州
司理參軍有才名左相虞允文表署江州觀察推
官擢朝散大夫守鄂州兼領湖北路提刑時有犯
法罪當死者禹錫平反之及歸忽有持金帛來者

吉安府志

列傳一

三十一

吉

曰公生我者也懷不報之恩久矣願公受此以罄
小人之私禹錫辭之堅從者私受而匿之及覺盡
索而投之江中從者載一酒缸於舟尾命碎之曰
毋爲汚我

羅上行字元亨廬陵人建炎二年進士負奇氣常欲
出力爲國立功業初仕武岡丞會大寇楊么窟穴
洞庭朝廷命大將岳飛討之檄上行督餉諸郡抵
全州通判范寅秩挾勢盛氣詬罵上行上行厲聲
引大義折之已而上行宰荔浦東安連遇范爲監

司數數苦上行上行由是困阨晚乃以教授德安
用薦改知安仁縣縣以大治部使者上治狀請頒
其條教爲式上行爲人廉勤自力竟日坐廳事饑
甚入屏後索食聞一民喧庭則又輟哺出廳夜過
丙多倦卧屏後子全畧擢第授永州司戶叅軍湖
南大饑部使者檄全畧廩潭衡兩州饑民故事發
粟主吏顧金錢與近猾爲市具文謾上官貧民其
實不沾斗區全畧奉檄卽單騎入墟落身分給始
無遺民已又大旱全畧被命按境內爲白減強半

田租攝東安令父老迎謂曰此吾父母羅明府郎
君也政磬大著攝令八月去所未給俸至四十萬
錢置不支秩滿以薦授湖南轉運使

李發字秀實吉水人舉特恩赴集英試補鼎州司理
叅軍三年囚無瘦死部使者言狀攝黃陂令調零
陵田稅久不均豪民猾吏相表載爲奸發至命設
幕兩廡下明日召稅戶畢至使各自列產幾何稅
安在不實聽相首實置之於理實則貫汝又圍群
胥於獄使以實告而叅任焉一時民吏倉皇懼不

相應且恐得罪無有隱蔽者即日正出二萬五千餘畝爭訟遂息歲八大增移永興興國通判橫州攝守于賓廣俗誘民童男女易翠羽變中其初一丁值十二羽僅半歲掠買至數百人多烹以祭鬼祭上䟽乞重其禁高宗惻然從之命焚翠羽自是鬻人者息改知貴州已而擢知沅州改靖州沅靖介獠夷爲患發撫御有方興學校化導之境內無事胡銓入佐冬官上䟽曰李發文采過人尤長於吏事三爲邑五與郡皆遐方僻地未究其才今雖

老尚堪治劇未報銓去國復移書責當路曰諸公皇皇市駿骨而使老驥伏櫪耶

七惠值字鞫老吉水人紹興戊辰進士授邵武縣簿時光澤令以非罪繫獄部使者命惠直往鞫之惠直閱獄詞多文致竟平反之改漢川縣令縣苦兵荒惠直至畢力撫字尉興惠直有郤陰遣卒斧縣庫盜官緝錢事覺跡至尉所法當坐尉惠直曰吾第求盜耳既得盜又何求竟置尉不問大守黷貨諸邑爭剥民賂之惠直喟然曰浚民以自安去官

以安民兩言決爾遂引疾歸在漢川未給俸數千
萬錢悉不取民益思之

劉安世字世臣安福人紹興中以進士授高州司戶
郡丞議減將校月給安世曰不可已而諸軍果譁
安世亟發帑給之衆乃定郡丞媿焉改雩都令有
郡官諷以羨餘獻者安世曰縣上瘠而賦重安所
取餘哉必若是吾寧有去耳遂以疾歸安世之學
以明道通經爲主遠近受業者踵至及卒楊萬里
爲之服門人私謚曰清純先生

吉安府志

列傳一

三四

吉

左慶延永新人年十七登紹興戊辰進士秦檜欲妻
以孫女慶延辭不就坐是久失調仕終承奉郎太
學博士所著有澹軒稿胡應春序之曰觀其與晦
菴書推明義理問辨反覆必及其底止乃已則所
重當世不但以文焉耳使得行其志見於事功其
斥奸排佞震動人耳目豈止若辭婚權奉云爾哉
邑宰趙畬夫亦稱其所上奏有契用之信不可渝
女貞之暴不能久以爲當時確論卒从事益驗其
識蓋足多矣

倪師尹字得一泰和人刻苦好學一舉登第初任英
州獄掾兼領公庫大守周彥輝以命師尹不可則
引例以折之師尹曰三尺固存吾安問例嶺南州
郡獄具大卒苟簡師尹更革損益一以新書從事
適鄉人嚴康元爲韶州錄叅移書質之分寸纖悉
如式乃已卒而貧甚無以爲歸交代所平仲同年
須陽尉崔君礪謀助之其妻嚴泣曰吾夫至廉忍
累之乎力辭不受侍郎傅雱爲叙其事作詩哭之
曰寡妻賢且潔况有寧馨兒師尹無書不讀尤長

於四六嘗投啓大守趙不積有云片言可以折獄
非曰能之一介不以取人固所願也蓋似其爲人
劉獬字去邪泰和人爲衡州司法官歲饑民犯法有
司悉論以死獬悉請從末減以補兵闕大守怒碎
箠目擲諸地獬拾歸補以進守意釋然諸繫皆全
活卒爲善其由是名動一州爲東流令當兵火之
後繕民居修學館治傳舍暮年縣復承平改宣教
郎知衡州衡陽催科有體不督而輸知筠州上高
訟簡官問榜其燕居之堂曰小道院轉承事郎通

判德慶未至官卒子令猷紹興間登第爲興國簿
調常德推官操特嚴潔不辭險阻

龍升之字子崇永新人博學好著述游真西山陽東
山之門兩試鄉漕舉陳愷帥九江禮聘任以事遂
建城永新之議邑民至今賴焉奏名調臨川戶漕
京尹趙與權表監酒場嘗修中興政要書成與權
列薦循資授從仕郎除福建帥司節幹在幕修宋
帝學增釋二百卷再循資轉儒林郎史館校勘改
通直郎卒京邸姚希章狀其行與權取誥語表墓

吉安府志

列傳一

三十六

吉

道曰忠勤先生郡守李義山援陸象山例立祠於
學宮祀之

張鋼字德堅永新人登進士歷官靜江司戶廣州同
理叅軍常德教授永平縣令福州通判還朝爲宗
正丞出知郴州未赴卒鋼在靜江時靈川有殺人
獄歲久戶壞不決鋼指其髮下傷立訊服濬渠爲
陂堰溉田五千頃知永平善以威信化蠻獠創浮
梁以濟湍險易鬼俗教之醫藥將代邑民及蠻酋
相率詣帥守監司乞留焉在宗司大爲宗子姓敬

慕改柳八對言爲舉不及廉靜善最多出經營又體未純士風未篤詔書寬大而州縣侵漁戰艦靈敞宮祠泛濫民力征需弗支凡九事上嘉納之家藏書萬卷又自類編宋列聖孝治一百卷表上之所著有橫江叢稿

張奭字叔保廬陵人自幼警敏以文學名紹興庚午薦名禮部授臨賀簿監豐城縣戶部贍軍酒庫耐金增羨部使者才之命攝分寧宰移隆興府決曹掾像章自建炎兵餘戶多耗無賦租公私俱病奭

白府請檢校冒耕之田實其主名以田準賦賦乃均邦民鼓舞更生生祠之爲衡州法曹掾持法謹平無所左右每獄成必齋戒乃上不可必力爭之有士人董某誣伏殺人錄因官疑之以付奭奭一訊知其無辜立捕正犯者而聽士人就試遂薦待補大學第一又有卜者寓衡陽病青同行以漆膠其目詭爲藥遂盲因竊其妻逃卜者疑僕辭其妻殺之執愬諸官不勝拷掠誣服奭疑曰殺人而奪之妻者有矣未有殺妻而存其人者以白郡郡不

可白憲司憲司又不可未幾其妻與爲亂者自相
訴於武昌舉郡驚異秩滿知萍鄉縣適夜半霖漲
輿秉燭集吏呼船戶令曰活一人予若干遲明勞
問無一人溺者皆以船免判隆興事無大小帥一
以屬輿每閱文書輿未署名吏不得以進以最除
知永州時饑殍載路帑庾赤立輿乃節縮浮費糴
諸隣得粟十萬活饑民九萬有奇常平使者薦于
朝未及遷而疾篤命諸子曰我死棺斂道里費勿
煩官祿未給者勿以請言訖而卒州民哀之如哭

所親過萍鄉空邑迎哭於數十里

胡鎬字從周廬陵人銓從父弟也擢紹興乙丑第調
新淦尉令素貪鄙不遜鎬不與校及終更部使者
劾其過檄尉羈留之鎬曰雖公禁奈何謂我快意
宿望也乃趨之行以前出境及命學士向子諲聞
之嘆曰胡尉乃能長者也銓上封事高宗不當事
先虜言甚切直謫海外銓是退居二十年後以張
忠獻浚薦當路亦始交章矣既改秩除諸王宮教
授樞密劉琪嘉其靜退謂當以中秘處之會琪出

鎮不果遷大理寺簿閱歲巧外補授湖南叅議官
彭合字子從廬陵人登紹興四年第以父衍恩補官
清江簿已而復知臨江軍清江既上瘠民貧又先
故賦輸吏增耗與正額等仍襲以爲正又加耗焉
民殊苦之秩滿入對力陳其害繇是得蠲減百姓
德之仕至戶部郎中湖廣江西京西總領卒于官
喪過清江民聚哭肖像立祠祀焉子漢老商老楚
老周老漢老字季皓紹興永蔭將仕郎歷沅州司
理叅軍有囚病指如股請紓其禁竟免瘦死知武

陵縣茶商猬集競鬪爲無賴民背驚避守欲調兵
捕治請單車往諭即禁不敢譁爲江西提刑司幹
辦公事留丞相以侍從守贛薦于朝移湖廣等路
總領所幹辦公事後知均州兼管內安撫陞對論
三事皆報可俗死則焚屍或叢而不墓漢老出成
諭即又發私財爲兆域俾收瘞浸革舊習接境金
州有號寇先生者謀不軌聲震南北知漢老動息
卒寢其謀知常德府封廬陵縣開國男食邑三百
戶監司復奏故擢廣東轉運判官入境風裁凜然

至德歲府引疾除直秘閣致仕商老字仲伊以蔭
補崇仁簿異時官文書匿吏家恣爲奸利商老拘
之廳事勾稽惟謹猾胥始不得剽文敗司理南雄
州立白疑獄者三上官交舉之通判南安軍監司
知商老質所案寃猾胥俱以命商老商老一致於
法無脫者商老素廉謹恬進取官至朝請大夫再
奉祠卒楚老保昌主簿子堯輔字道夫以恩補馬
平尉簿爲靜江司理叅軍移贛州錄事叅軍堯輔
不能卑讓其上必疆爭故所至多平反稍遷知石

城縣踰歲部使者以私意劾免起知枝江縣縣在
水中歲古湍整堯輔計畫隄防水乃不爲患又葺
庠舍廣土徒卽三鄉立小學士興於恭讓紹熙元
年通判興國軍八朝會留丞相當國進擬知連州
陞辭論天下治平日少願無坑目前之安因及枝
江差役興國私鑄上皆嘉納官至朝散大夫周老
名叔牙以字行蔭補端溪簿未赴復授新淦簿時
隣邑新喻旱甚叔牙受檄攝新喻且行諸郡言旱
勢如此叔荒治賦何先守笑不言至邑下令發廩

勸分會漕司取羨粟于袁道邑舟膠叔牙亟白上
願假以賑秋成請償之報未下輒發粟民大呼舞
郡且急賦叔牙謁郡請少寬假守噤怒簿于譽叔
牙色不爲動分宜盜起振甚部使者至親壓賊營
叔牙曰鼠輩以饑至此豈誠好亂然不可無備乃
旣什伍其民遣文法吏曉以禍福其黨果潰得還
爲民者千數時所在桴鼓相聞獨新喻晏然去之
日廩給數十萬一無所受秩滿授靜江古縣令卒
羅維藩字介卿廬陵人擢進士授迪功郎保昌尉始

致湖北寇逸入江西聲播廣東廣東帥林光朝宿
重兵備之維藩乃謁帥言曰南雄前南安後章貢
賊來將焉寄乎韶州仁化有三徑唯獨羨溪險可
守而中曠夷此逸寇之所必走急先設伏其間可
燿也帥喜聽其計賊果趨羨溪大破之初轉運司
貢銀歲下緝錢十五萬市於州縣後稍殺至五萬
官弗給卒外計民產高下取盈之會林帥遷轉運
副使維藩乃謁副使所謁曰緝錢日殷而銀數未
損此非剝民何以益之願請得奏復十五萬之數

則一路蒙福光朝嗟嘆卽草奏薦之公車秩滿造
朝謁見史丞相極論二廣蕘海變法之弊請一復
舊章又上平邊策論戰守䟽民瘼欲興內治以俟
天時丞相大奇之用薦陞從政郎

羅克開字達父龍泉人乾道壬辰進士宰廣昌甚有
惠愛憲使鄭汝諧行部邑民遮道借留鄭問知縣
何長民雜對曰不愛錢不苦百姓此其所長也遷
爲大理正時有巨室競沙田歲入以萬計同列欲
奪以奉權貴韓侂冑克開力持不可由是出知柳

州至州首廢永豐銀冶還社令於民移守萊州時
朝議發州縣常平餉邊克開上言郡無藏粟何以
爲水旱備乃得獨留當之官姑蘓舟纜勝二十斛
青杉手版外有橘隱集三卷

劉德禮字敬叔安福人淳熙二年進士調常德府司
戶叅軍府胥與民爲市賦籍外甚郡守以付德禮
稽之不三日卽復其舊且白之府曰州家此意將
欲適租有歸得無害良民乎抑欲以法取事以威
取羸乎謂宜期以十旬許民自列如何大守喜曰

仁人之言也頃之陞賀州教授陳時政十事其一
謂虜之熙宗墓曰思陵高宗居正體元中華之正
統而襲用虜人陵名可乎事下中書時宰怒改培
州教授建言損益鹽法及外銓擬官二事補臨川
令始至得訟詞五百一閱能斥其誣尉獲盜十八
人獄且具訊之曰此非盜也尋果得真盜乃釋之
賑饑瘞死平役鋤強政績甚著德禮持身嚴謹俸
入非例者必辭之家人率蔬食終日無愠色學極
博尤長於周官云

劉南鵬字叔程永豐人淳熙鄉舉補新淦丞復中漕
試將赴春官會奉憲使檄問清江疑獄南鵬慨然
曰人命詎不重於甲科耶遂止不行變姓名爲卜
者廉得真殺人者狀涸湖水得其寃骨所連逮無
辜者五十餘人皆獲釋監司郡守御史皆以廉明
薦于朝以老辭職授通直郎致仕

戴翊字漢卿安福人淳熙二年登第授衡山尉臺
府以其才交薦遷雩都丞守藉其能留置幕職會
孝宗詔漕臣通融州縣財賦守檄翊世質漕臺漕

臺數詰讓翊世力爭請歲減三萬六千緡郡計大寬姜姓者爲群盜汀梅間聲動贛境翊世攝倅督捕謂鄉兵徒擾無益於戰罷遣之計省費萬而辟盜卒亦無敢犯境秩滿調江華令單車就職不鞭朴而治改知彭澤遇凶修荒政民無流移者

羅晟字伯華龍泉人以父克開蔭爲郴州司理邑民有指平民爲盜者上具狀於郡晟問其實曰此民之避寇者也言於守釋之桂陽有一死罪欲寘二人於辟者晟曰情不兩重也一境得免守合浦增

吉安府志

列傳一

四

七

暉浚滄海寇奄至率將士禦之寇遁去時帥府調兵討逆賊王居起廉州當轉餉而海道爲寇黨所梗乃調勇士往助且送緡錢三十萬於是渠魁就擒

左暮字元規永新人開禧乙丑進士爲人豪邁負志氣使金不辱於狄教國學能振士風嘉定己巳金人南侵以黃岡爲沿江要衝舉暮任廉察留黃十年後以淮西提刑朝散大夫直寶文閣卒贈徽猷閣民思其遺愛至祠而望奠焉有坦齋稿

蕭鱗字耕道廬陵人開禧乙丑進士授曲江簿以能
遷仁化令多仁恕愛民歲旱民視苗稿死鱗教治
器作轆轤水車遂得灌浸之法兄弟爭產相毆擊
者召而諭之曰失一田地尚可置至如兄弟傷毆
難可復得而顧疏骨肉交奪利安可比人乎民感
泣遷化有失牛者意其隣鱗曰暮夜不可知母執
狐疑傷汝善隣數日果得牛於林中民病田決而
供賦不休爲奏蠲之其以仁感人多此類二年卒
民哭之蓋哀復像而祀之

吉安府志

列傳

四十五

吉

劉元剛字南枝吉水人嘉定癸未進士授信州永豐
簿歷任監左藏東庫當國者欲增脩楮幣職元剛
力爭不可出爲秦倅除韶州守以疾未上得祠祿
理宗嘗立貪廉二碑元剛名在廉碑第四環堵蕭
然死無以爲殮越三年繆元德爲葬之所著有孝
經論語孟子衍義容齋雜著數十卷文丞相銘其
墓

蕭逢辰字應甫泰和人寶慶間進士歷官敷文閣學
士江南西路安撫使兼知吉州軍事封廬陵開國

男食邑三百戶開慶初大兵深入瑞臨勢如升虛
吉州朝夕急天子起逢辰爲江西副帥領鄉郡時
有建議用邊郡清野例逢辰堅持不可吉州竟倚
逢辰爲重賊迄不敢犯嘗因其父所置贍族義田
增至千石又收養道傍棄兒人稱其仁厚曾孫泰
登字則平弱冠試吏丞永豐已著材敏遷湖南道
儒學提舉江西行中書省以名聞提入汾卽僉海
北廣東道按察司事會有獠逼衆惶懼失措泰登
獨奮曰督捕非憲部職耶卽上馬出將吏驚馳獠

遂遁去因按所部與獠通自守令以下抵罪者八
十餘人又建減韶州賦銀之半悉條海北積弊躬
詣臺言之至元三十一年遷奉訓大夫兵部卽中
使安南時安南已失藩臣禮聞有詔使疑懼相半
泰登諭以水意乃知朝廷恩德歸所盜邊地二百
里遣使奉表貢獻謝罪還報授連州知州未拜丁
憂服除起爲江西儒學提舉僉嶺南廣西道廉訪
司事陳便宜二十五事柳州左道謀叛論死者二
百人泰登錄之而釋不知情百三十有七人他所

辨雪不可勝數凡黜貪謬又二百一十人進階奉
直大夫拜南臺監察御史建言十事未幾分按江
浙卒于驛舟

黃登吉水人紹定二年進士初爲寧都丞歷官荆南
軍節度掌書記以功加主管制司機宐文字援筆
立就夜有謀變者諜密以告登臥不爲意明日出
廳事召之誅其首罪者餘悉不問一軍乃安其臨
事敏斷如此

歐陽守道字公權廬陵人初名選字迂父少孤家貧

吉安府志

列傳一

四七

古

無師資自力于學年踰冠卽以行誼重鄉郡舉淳
祐辛丑進士廷對言國家成敗在宰相人才消長
在臺諫其說甚具同試大稱讓之及唱名首徐儼
夫儼夫曰吾乃媿出公權右矣授雩都主簿起艱
調贛州司戶江萬里守吉州劾白鷺書院延致守
道爲諸生師楊萬里奇其文爲游揚聲譽旣入爲
國子祭酒謂守道之文宐史館經筵一日得守道
書袖獻之兩府北兩府入相果召試守道卽授史
館檢閱尋爲秘書省正字遷秘書入對言風化當

反諸身使天下率廉儉之美苟示禁非先民將弗
信忤旨罷官即日徙步出國門咸淳間特旨與祠
會舉賢才呂文德薦守道差通判建昌軍以書謝
廟堂曰異時或者謂放廢無聊託身諸貴人虧傷
國體願仍賜祠祿足矣上深知守道每闕講官必
歎曰守道老儒真講官也久之遷著作郎兼崇政
說書經筵所進皆切時務上每爲動色再遷著作
郎卒守道學有本源爲文章委蛇詰難務盡於理
江古心謂其高處逼西漢學者稱吳齋先生文文

山鄧中義劉會孟俱受業吳齋吳齋仕宦歷年介
守其堅比死殊不脫故貧以故人稱慕之

劉辰翁字會孟廬陵人家貧力學學秘書歐陽守道
所守道大奇之辰翁貢于鄉會丁大全驟用辰翁
對策嚴君子小人朋黨論有司忌其涉謗擯斥之
補大學生江萬里爲祭酒亟稱賞其文壬戌監試
丞相馬廷鸞章鑑爭致諸門下平章賈似道秉國
政欲殺直臣以蔽言路辰翁廷對言濟邸無後可
痛忠良戕害可傷風節不競可憾大忤賈意洎奏

名理宗親寘之丙第以親老就贛州濂溪書院山
長萬里官帥闡強與俱乙丑萬里還樞府以書招
辰翁奉母來京數月母疾還萬里薦辰翁學宜史
館叅政王燦贊之除臨安教授拔四明戴表元三
衢何新之三山馬鈞諸生中後皆爲名進士莆陽
陳文龍魁戊辰爲德祐叅政萬里鎮大平兼漕節
辟爲江東漕幕知院馬光祖亦稱之曰文場獨步
萬里再相問政何先辰翁曰當先拔異議遭擯者
丁母憂服除丞相陳宜中薦除史館檢閱辭除大

學博士明年改知臨江軍事丙子宋亡萬里死節
辰翁馳哭之壬午歸託方外以自詭辰翁事母孝
慷慨立風節抑於時而天下知名士多欽其伉直
平生耽嗜文史淹博涵深爲文祖先秦戰國莊老
等言卒音逸自成一家有須溪集一百卷子將孫
字尚友號養吾幼質魯甚長而穎悟過人爲文愈
奇崛仕爲將樂主簿

李應華字式夫吉水人寶祐間進士累官至崇政殿
說書時吉郡大緩經筵講罷上從容問應華鄉里

卽以饑對上惻然應革復取建隆紹興乾道賑饑
故事反覆陳於上前議論剴切上爲感動捐粟十
萬賑之全活甚衆後進讀唐史至西平忠武王傳
上知應革爲忠武裔係特書手詔賜之有曰卿之
鼻祖朕甚嘉之已復賜宴便殿御書詩翰以賜應
革卽席泰和時人榮之未幾丁內艱以疾卒

羅椅字子遠廬陵人清脩篤學登寶祐壬辰第初官
校官累官至朝請大夫主權貨務時賈似道狠賊
擅亂國政椅上書力詆其罪發憤德棄官去終其

身不仕有詩文傳世

文璧廬陵人少與兄丞相同舉于鄉登開慶己未進
士授司戶叅軍歷官州縣後丞相開府江西奏授
璧主管機宐文字軍興事叢委措處無所失宐官
至戶部尚書逼側兵聞運籌給餉丞相在急常不
困璧有力薦及丞相敗海上璧始計畫全宗入北
授知惠州累官廣西宐慰使

元

陳學禮 楊景行 劉開 具師尹 聶以道

陳學禮字季立泰和人貧而力學攻醫常懷藥濟人
至元中以薦爲瑞金縣學教諭陞梅州學正廣州
府學教授徒步赴官僉憲劉公奇其清苦至則復
侵地覈隱租大新學校陞贛州司獄贛州獄具酷
械床以石爲之學禮易以木夏備漏沐冬給薪炭
衣食其饑寒訖官三年無一人病死者獄有雩都
人因守禾爲盜挾去劫人事覺坐罪學禮言于部
使者得白其寃未幾陞瑞金縣尹訟簡徭輕民以
休息時郡守政尚嚴峻屬吏無所容獨重學禮尋
以贛州路推官致仕

吉安府志

列傳一

五十一

吉

楊景行字賢可泰和人舉進士授會昌州判官會昌
之民不井不陶所居以茅覆之飲則于河故多疾
癘火災之爲患景行至教民井飲而瓦屋始修學
舍禮師儒勸民斥腴田以膳士絃誦之聲大作調
永新州判改江西行省照磨宜黃縣尹理白寃獄
之不決者數十事陞撫州路推官行縣理獄人頌
無寃金谿民陶甲屢以厚貲陷長吏吏不敢詰暴
于一郡景行痛繩之徙五百里外僧雲住發故官

塚取財物事覺官吏受賄緩其獄獨畏景行路當道者以危言撼之一不顧卒治如法由是無敢犯者轉歸安縣尹年七十以翰林待制朝列大夫致仕平生所歷州縣有惠政民立石頌之

劉聞字文庭安福人天曆間進士歷官大常博士至順四年冬帝祀南郊告祭大廟至寧宗室曰朕寧宗兄也當拜否聞對曰春秋魯閔公僖公之弟也宗廟之祭未聞僖宗不拜寧宗雖弟陛下嘗為臣安得不拜乎帝乃拜授朝列大夫丁艱起授翰林

吉安府志

列傳一

五十二

吉

編修修宋史成陞修撰調知沔陽卒所著有春秋通旨行于世

吳師尹字莘樂永新人登元進士授永豐丞大書廳事自誓不欺政化大行秩滿當去民歌之曰我有田疇我既治之我有徭役誰其除之丞哉丞哉豈弟父母更我戶籍免我荼苦子孫孫子與篋楚辭丞茲去矣如何勿思受代將行適歲大歉府檄如他郡乞糴師尹請之顛顛守重其賢為出粟二千石助焉民賴以多活復攝廬陵鞠死獄釋良民之

寃者六人後丁遷革之際歸隱連里之桂岡學者稱桂岡先生子勤字孟勤國初以明經授武昌教授革除間預修

高皇帝實錄改開封教授勤一介不輕取予於學無所不究然非聖人之書不以教人所著有匡山六義鶴鳴等集

聶以道吉水人少倜儻耻爲汙行嘗錄永豐儒學棄之去爲吏從叅政整治海南鹽法盡除宿弊文宗在瓊潛邸聞其名召見甚嘉之考滿得官江華縣

尹興學校勸農桑復流民三百戶墾田千餘頃歸旁民詭寄徭徠不犯其境去之曰民遮道留之立碑頌政澤者十有二憲臺交薦之天曆中中書奏以爲武昌推官上驚曰是非不要錢聶以道耶向者使嶺南廉能吏也今始爲推官耶武昌秩滿歷陞廣東宣慰副使僉都元帥府事未上卒以道自奉甚薄廉介之聲聞於天子其在湖廣裁減歲製上方繒帛官買紙直可數萬緡在江華奪還豪民三百年所占水利溉田數萬頃經歷海南北與監

憲力爭書院不可以爲老氏宮又建議籍大官不
當沒入命婦爲人妻孥其所敷歷無不可書者

吉安府志卷之十八畢

吉安府志

劉傳一

五十四

